

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24, 39/24 i 17/25 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 43. sjednici održanoj 24.07.2025. godine, donijela je

**Autentično tumačenje člana 113. stav (3) Kolektivnog ugovora za djelatnosti predškolskog
odgoja i osnovnog odgoja i obrazovanja Kantona Sarajevo**
(„Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25)

„Član 113.

(1) Radnik za vrijeme korištenja godišnjeg odmora ili odmora iz stava (2) ovog člana ima pravo na naknadu plate, u visini plate koju bi ostvario da je radio.

Dio citirane odredbe Kolektivnog ugovora „koju bi ostvario da je radio“ se odnosi na platu koja je definisana ugovorom o radu prije korištenja godišnjeg odmora ili odmora iz člana 113. stav (2).

Odluka o autentičnom tumačenju člana 65. stav (1) tačka b) Kolektivnog ugovora je donesena na 43. sjednici Komisije održanoj 24.07.2025. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Saudin Sivro, predstavnik Sindikata

Seada Mulaomerović, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO

n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**

n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25 – u daljem tekstu: Kolektivni ugovor) obratio se Sindikat, akt broj: 1198/25 od 18.07.2025. godine kao jedna od ugovornih strana, zahtjevom za tumačenje člana 113. stav (3) Kolektivnog ugovora u dijelu utvrđivanja prava nastavnika na naknadu plate tokom perioda korištenja godišnjeg odmora u situaciji kada je radnik od 01.09. radio na radnom mjestu sa punim radnim vremenom a dva mjeseca prije početka korištenja godišnjeg odmora sa istim poslodavcem zaključio drugi ugovor o radu i radio na nepuno radno vrijeme.

U vezi s navedenim, obavještavamo Vas da je Komisija na 43. sjednici održanoj 24.07.2025. godine, donijela autentično tumačenje člana 113. stav (3) Kolektivnog ugovora, koje Vam dostavljamo u prilogu ovog akta radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**